



*Jumat, 22 Juli 2022*

**Ogen: Masmur 127:3-5**



*Anak eme pasu-pasu Tuhan*



**I**bas kalak Karo lit piga-piga kata si nuriken kuga belinna erti ras keleng ate nandangi anak. Anakku buah baraku, libas bara inganna emakaijuhang-juhang, ngena kal ate, keleng kal ate. Tambar latih, kenca mulih erdahin, ntah kuga gia ndai ukur gulutnna, tapi kenca jumpa ras anak nangtang si latih-latih. Galah gedang, luar biasa belinna arapen orangtua nandangi anak, si ;a ngasup orangtua ndatkencaiarapken anak-anak e banci nehisa, galah e guna njukjuk sinisura. Emaka toto ras arapen paksa kita nehken kata man kalak si erjabu eme: jumpa bulan ras matawari, si nutu cimpa ras siangkih mayang, anak dilaki anak diberu. Bageme arapen nandangi anak-anak.

I bas renungeta paksa enda, kata siisehken Pemasmur tole mpersingeti kita kerna ise kin anak e. Anakta e labo trejeng kita punana, tapi anak e Dibata simerekenca man jabu-jabu, man nande bapa. Anak e pasu-pasu, pemere Dibata guna ngkuhi keriahen, kemalemen ate keluarga. Ertina arus ipekena-kena, iergai, ikataken bujur man si merasa. Pemasmur pe mereken sada gambaren anak e desken anak panah i bas tan si mbisa. Oragtua desken tan si sikap guna manahken anak panah ku sasarena. Kalak si melala anak panahna, ikataken sangap i bas geluhna rikut ras imbangna. Ertina anak e kehagan orang tua, terandalken, jadi pembela seh maka kehamaten sikerajangen orangtua.

Bageme pasu-pasu man jabu-jabunta, tahu-tuhu arus si kelengi, sipekena-kena rikut ras nikapken masa depan si mehuli sue ras sura-sura Dibata. Paus-pasu Tuhan e arusna jadi kemalemen ate, kesangapen ras ulu kerina keriahen. Mari si jaga, si pekena-kena, si ergai alu bage tahu-tuhu kita jadi orangtua si sangap. Sangap nggeluh, sangap erdahin, sangap nikapken masa depan doni enda arah jabuta.

*Ngenanami kesangapen alu ngkelengi anak.*